

乾隆鄞縣志

第七冊

圖書在版編目（CIP）數據

乾隆鄞縣志 / (清) 錢維喬, (清) 錢大昕修纂. —
杭州: 浙江古籍出版社, 2015.11
ISBN 978-7-5540-0722-8

I. ①乾… II. ①錢… ②錢… III. ①區（城市）—
地方志—寧波市—清代 IV. ① K295.53

中國版本圖書館 CIP 數據核字 (2015) 第 291157 號

ISBN 978-7-5540-0722-8



9 787554 007228 >

乾隆《鄞縣志》

（清）錢維喬 錢大昕 修纂

整理 寧波市鄞州區地方志辦公室

出版發行

浙江古籍出版社

地址 杭州市體育場路三四七號

責任編輯 路偉

版次 二〇一五年十二月第一版第一次印刷

印刷 杭州名典古籍印務有限公司

印數 一三〇〇套

書號 ISBN 978-7-5540-0722-8

定價 貳仟圓

鄞縣志目錄

序

凡例

圖

卷首

天章

卷一

建置沿革

星野形勝

疆域風俗

卷二

城池

鄉里橋梁

街巷津渡

坊表郵站

市鎮

卷三

山川

卷四

水利

卷五

學校書院

公署

卷六

田賦戶口
鹽課

倉儲

兵制

海防

卷七

壇廟

卷八

職官

卷九

選舉上

卷十

選舉下

卷十一

名宦

卷十二

人物一

卷十三

人物二

卷十四

人物三

卷十五

人物四

卷十六

人物五

卷十七

人物六

卷十八

孝義 藝術 寓賢

卷十九

列女

卷二十

舊志賦流

卷二十一

仙釋

卷二十二

藝文上

卷二十三

藝文下

卷二十四

金石

卷二十五

古蹟

卷二十六

冢墓

卷二十七

藝文上

卷二十八

藝文下

卷二十九

金石

卷三十

古蹟

寺觀

卷二十六

雜識上

紀事
文獻

祥異

卷二十七

雜識下

叢談

卷二十八

物產

卷二十九

土風

卷三十


辨證

舊志源流

鄞縣志卷二十三

金石

鄞道元水經注多敘漢魏碑碣李吉甫元和郡縣志亦錄晉祠銘輿地之書兼及金石自昔然矣鄞之碑刻見於趙明誠王象之所錄者有李陽冰韓擇木徐季海柳公權諸蹟久失其傳卽趙松雪七觀帖向在郡齋今亦無有存者雲烟過眼不獨書畫真迹爲然也茲據其見存者唐宋元凡五十餘通錄其全文以備參攷明碑八十餘通時代未久但存其目而已古碑雖失傳仍附見名目於卷末因舊刻之淪亡益知今所存者之當寶貴也



唐

阿育王寺常住田碑并後記秘書省正字郎萬齊融撰趙

州刺史徐嶠之書大和七年十二月順陽范的重書并篆

額在育王寺

大唐越州都督府鄞縣阿育王寺常住田碑我聞語寂滅者本之以不生而菩薩不能去資生立法談逍遙者存之於無待而神人不能亡有待為煩吉祥之降帝農教以耒耜蒼靈之下后稷俾其播種故維摩之毘耶檀首持鉢尚詣於香積釋迦之給孤洗足著衣猶乞食於舍衛是知夫食者不獨乎人天農者豈惟乎政本阿育王靈塔寺者晉義熙元年之所置也昔孔雀氏宿童子之因果當金人之授記暨鐵輪位正寶塔功成計鳥道之千里占人寰之一勝夜叉密跡以飛行神僧護影而圍繞雖方壇氣象已萌青石之符而員頂光明未質白雲之狀逆觀音應現而指迷利賓虛求以昭發全身踊出僊如多寶之音一爪圓開宛是樓那之相神其不滅道在茲乎晉安帝允釐三才成就六度聿圖蘭若式印招提景行阿育王故以育王靈塔為稱首徒觀夫輪奐

規矩鉤繩剏製珠軒翠檻延袤中霄玉雷金池周羅土
界環海之下流元氣大地爲衣圍山之上結太清諸天
作蓋信方廣一都之會也左寺岸而十里右青田而一
曲霞標莽蒼幽幽迷鬼谷之祠日剎晶明的的識人人
之館天花未雨宿傳龍界之香地籟無風時起魚山之
梵剏知定光諸佛悔天台之赤城羅漢羣仙謬崑崙之
元圃口口法惟神授道乃人宏向使輸柯王昧巴連之
因初微此塔迦葉佛晦閭浮之跡殆曠茲山蓋虛明之
絕境不可得而思議者也粵寺東十五里塔墅常住田
者宋元嘉二年奉命之所立也宋文帝秉籙御乾作娑
羅之外護感閣耶子砂縵之供制賜是田梁武皇握樞
臨極爲寶應之下生見阿育王金粟之果勅蠲其賦日
月盈止既有命以自天陵谷迭居終不動其如地梁普
通中沙門僧綬茲寺之應真也以發行爲道場以直心
爲淨土間純隨良田之喻遂篤志焉旣種旣戒載夢載
炸祭地道之化成觀天道之時變晤是身無主口口始
以常住名焉次有僧濟上人虛已淨心紬茲惠業披衣
畫其塋埒持戒整其疆畔苗而不秀有恨何及逮陳隋
之季喪亂荐臻農野蕭條鞠爲茂草我皇家執大象乘
飛龍陟丕上帝之耿命紹復先王之大業有山棲曠和
上道尊人傑德貴天師中宗孝和皇帝親降璽書願同
金輦擊鼓而陳其入國造船而捧其登座故知二乘行

道口口朱口四果適時還陞紫殿雖植衆德本作南山
之福田種諸善根存東臯之淨業初湖之左右夾壤二
區榛梗始艾菑畬麤立僧徒理勝力未瞻農童牧因間
私竊種藝和上表蒙俗之貪垢負冥期之幽報乃推湖
西易龍讓爲閒田數諍歸之春稅就給唯割湖東十頃
復古賜地窮海北漸曾山南麓樓子根盤以東峙富都
股引而西注真陸水膏映之沃壤實神靈滋液之奧區
於是與其畛啜乎其版籍農野罷侵田峻至喜人到於
今稱焉前寺主簡皎二法師僧祇之龍象也就先疇之
畎畝敦老農之底績歲事作製簑笠來思者久之歲功
未成生涯共盡流沙忽去荒涼紫陌之田影壁空存搖
落青園之寺可爲長太息者矣有惠炬閣梨德業淳修
曾統綱領道勝之韻生而能言禪悅之味老而彌篤用
能纂其終始高軌可追庀其委積長算斯遠與法言沙
門俗姓喻氏貞已密行惠心苦節今屆知堅任垂將十
年先是易鹵未斥塗漁未涸臺稗藟蒼漫於農郊夫其
心嗇制度目口曲折荷鋪審上堽窪銖凸隤竹落捷石
甯漑高湊仰增卑陷薄分熬水怒承達出氣填淤遊蕩
而時至餘波寬緩而不迫終古早害浸以汗潢冬不祈
於積雪夏無榮乎小雨由是湖有千金之號焉當其春
鴈司載口事旣飭產孚甲毓萌芽或蘆或蓼實穎實發
上農臺而課長羸復陽之稼如雲矣及夫寒蟬記時農

乃登穀完積聚築場圃孚不遺秉贏無□□□庾而
督收成海陵之倉非衍矣詩云俾彼碩田歲取十千其
是之謂乎百穀既蒸萬供既設滿以衆香之鉢薰以毘
耶之城或異聲聞若化菩薩虛高座以影集時洪鐘而
雲臨敷座而坐飯食經行臭若香風味同甘露遍滿一
劫周流十方聞之者得未曾有食之者成登正位白衣
之會龍國無掘鬱金之香緇裳之集雞寺不碎菴羅之
末三藏大德知食金之可貴一器沙彌識麩坊之非重
資我飯色師之力歟都維那元宗遊方觀化大口慈誘
火耕水耨常有功於上農飛杖浮杯今載行乎中國上
座釋辨疑十成之僧主也神清氣合金杵發其休徵寺
主釋惠敏九州之維那也風骨天成鐵鎮起其靈相咸
能以如來之衣衣分如來之座坐護育王之靈塔願賢
金錢託育王之聖田思模石柱弟子早接蘭書式典麒
麟之閣晚遊蓮跡每參鸚鵡之林賓頭盧之下空亟見
有能師子舍那私之入寺豈謂無知老人識異博文才
非能賦阮公不事曾供香花顧越有緣遂瞻碑版蒲笈
多之石室未擲其籌對輪王之金地且耕其筆多羅之
葉而書偈云渾儀草昧象物紛拏或甲而乙或萌而芽
萬殊成類百寶依嘉故后稷播其種口神農嘗其華燧
人更運火正司職教以鼎飪炊之黍稷易茲毛茹成此
粒食是之爲人天是之爲皇極我聞維摩曾語舍利如

來大慈甘露上味又見阿難聞是香氣亦有以飯食以
之爲佛事若長者主若聲聞人天諸居士地虛空神如
聞飯氣而亦來臻况生生之位有待之爲身倚與童子
供資砂模法主大慈冷然虛受伊鐵輪以授記從滅度
後何寶塔之莊嚴得未曾有烏道於許人震在哉鬼神
冥運風雨潛來白雲踊出青山半開含千輪之蓮跡建
百福之花臺宋帝下生梁皇外護大稷賜疇司農蠲賦
臯壤映發湖源灌注既魚口以左右亦犬牙而盤互蓄
畚平秋臺笠來思爰疏咏嘜是務鋤犁三農奕奕萬畝
祈祈自膏腴而兼倍矧雨露與華滋懿茲開土賞功司
過凡以犒勤所以肅情東作方喜西成是課始象耕而
鳥耘終牛春而馬簸千箱既積五穀始分味蒸甘露爨
涌香雲孰云菩薩而謂聲聞搏須彌所不能盡曷毘耶
之足薰藐爾赤松猶出白玉矧伊塔寺神通付囑信矣
育王能生金粟彼鄭國之泥紫如富都之水綠我來自
東經行成趣淨業斯闢善根方樹式紀因緣匪存章句
庶金田與石柱
山巍巍以常作

育王寺碑後記大和七年十二月明州刺史于季友撰范
的書在前碑之後

記云此寺碑記嘗為寇盜隳壞久無堅立有好事僧惠
印錄其舊文藏於篋笥又與老宿僧明秀志詮寺主僧
志仁上座僧棲雲都維那僧巨嵩會議重建其碑焉余
美其樂善會剡越間有隱逸之士曰范的業文工書未
遇於時常萍泊雲水間一日扁舟至明余邀以書之添
勝境遊觀之一事畧紀端由於碑後云太和七年十二
月一日明州刺史于季友記

于季友范的贈答詩范的書在育王寺常住田碑之後

范處士在育王寺書碑因以寄贈 明州刺史于季友

墨妙復辭雄扁舟訪遠公雲天書 梵字霜月步蓮宮

跡寄雙林下名畱劫石中

遙知松逕望棠葉滿山紅

時在育王寺書石字奉酬中丞使君寄贈四韻 處士

范的上 拙藝荷才雄新詩啟謝公開緘光佛域望景

動星宮風雪文章裏書鑄琬琰

中將誰比佳句霞綺散成紅

附錄朱彝尊跋育王寺常住田碑正字郎萬齊融撰其

初徐嶠之書既隳於寇明州刺史于季友於僧惠印所

觀舊文邀處士范的重書大和七年冬事也寺建於晉

太康二年田賜於宋元嘉二年額更於梁普通三年釋

金石

道宣錄神州塔寺以是塏居第一焉齊融神龍中與賀
知章賀朝張若虛邢巨包融等俱以吳越之士知名見
劉昫唐書文苑傳國秀搜玉二集曾載其詩唐書以賀
朝萬為一人齊融為一人誤矣碑題越州都督鄧縣者
唐自武德四年諸州置總管未久更都督府至乾元元
年始號越州而鄧縣即故鄆州開元二十六年始割縣
置明州齊融撰碑時寺猶屬越州也碑引詩俾彼甫田
歲取十千以甫作頌不知何所本其陰有記則于季友
辭附贈范的詩的亦有和韻之作胡氏統籤季氏全唐
詩均未之載季友太保頌次子也尚憲宗女惠康公主
拜駙馬都尉史不言其為明州刺史
宰相世系表弟書絳宋等州刺史云

案于季友撰後記及與范的倡和詩俱刻碑之左
方朱氏以為碑陰者誤

尊勝陀羅尼經大中八年四月八日壬戌建後有承奉郎
守鄧縣令崔幼昌名最後有明洪武二十四年及崇禎九
年重立字此幢本刻尊勝經而其後大書大乘妙法蓮華

經七字字迹亦不類蓋明人妄題也在東門外五里永壽巷

侯官縣丞湯君墓誌大中十二年十一月鄉貢進士林珽

撰在縣東一都湯君廟

文云湯有大德於天下戴之如日仰之如春其後也君諱華字知新曾祖備祖賓考品皆簪組相繼官列當時頗有功於國以載於譜牒此畧而不書公幼就墳籍將欲振於時立大來之器以晨昏是切仕不擇祿釋褐衡州參軍珽璋美璞州縣良才記室之芳秩罷猶在再調授福州侯官丞口忽感德塲人不告勞征賦皆集口馴雍之化致象雷之聲謀而有方簡以蒞事援亮而庶務皆決正色而郡吏瞻風公之器用未盡宏遠秩滿寓居南方以土風有殊瘡厲所染沉痾既構天壽不遐以大中十一年六月五日終於嶺中連江邑之容第春秋五十八道路民慟風雲助悲先殯殯於竹林原夫人瑯琊郡王氏故衡陽縣明宰之女以禮節奉君子以慈和訓閨門感形影之未亡歎梧桐之半死望故鄉以泣血泛滄溟以護喪蓬首逝波沒身殉義艱險不憚旌旄之情